

Siunnersuummut nassuiaatit

Naliginnaasumik nassuiaatit1. Aallaqqaasiut

2015-imi upernaakkut ataatsimiinnerminni (UPA2015/148) suleriaasissartik Inatsisartut kingullermik allanngortippaat. Suleriaasissap iluarsisap suleriaasissap allannguutit allat ilanngullugit allaffeqarfikkoortumik allaqqinneqarnerani kukkunerit annikinnerusut marluk paasineqarput, siunnersuutikkut matumuuna maanna iluarsineqartut.

2. Siunnersuummi immikkoortut pingaarnerit*2.1 Piffissat oqaaseqarfiusinnaasut*

Piffissat oqaaseqarfiusinnaasut pillugit Ilanngussami 1-imi UPA2015-imi Inatsisartunit akuersissutigineqartumi ilaatigut Nunatta Karsiata Naatsorsuutaasa akuerineqarnissaannik siunnersuutip oqaluuserineqarneranut immikkut piffissanik oqaaseqarfiusinnaasunik siullermeerutaasumik ilanngussisoqarpoq.

Nunatta Karsiata Naatsorsuutaasa akuerineqarnissaannik siunnersuutip suliarineqarneranut atatillugu partiit oqaaseqaataannik saqqummiussinissamut piffissaliussat siunnersuummi Inatsisartunit akuerineqartumi taamaattoq kukkuneqarput, tassami siunnersuutip siullermeerneqarnerani partiit oqaaseqaataasa saqqummiunnissaannut minuttinik 30-ersuarnik atuisoqarsinnaasoq oqaatigineqarmat, aappassaaneerinninnermili partiit oqaaseqaataasa saqqummiunissaannut minuttit sisamaannaat periarfissaallutik. Taamaattorli takinerusunik partiit oqaaseqarnissaat siunnersuutip aappassaaneerineqarnera aatsaat pisariaqalersarpoq, tamatumanimi Nunatta Karsiata Naatsorsuutaasa akuerineqarnissaannik siunnersuut pillugu Kukkuersiuinermut Ataatsimiititaliap isumaliutissiissutaa Inatsisartut isummerfigisussaammassuk. Taamaalilluni partiit oqaaseqartuisa oqaaseqarsinnaanerisa malunnartumik sivitsorneqarnera aappassaaneerinninnermut atuuttussaagaluarpoq siullermeerinninnermut atuunnani.

Taamatuttaaq Nunatta Karsiata Naatsorsuutaasa akuerineqarnissaat pillugu siunnersuutip oqaluuserineqarnerani piffissat Naalakkersuisut oqaaseqarsinnaaffiisa sivitsorneqarnissaannut kissaat oqaaseqarnissamut piffissaliussani taaneqartuni ilanngunneqarsimanngilaq.

Pissutsit taakku marluk tamarmik matumani siunnersuutikkut iluarsineqarput.

2.2 Sulinnigiffeqartarnej pillugu malittarisasani malitsigisatut iluarsiiissut

UPA2015/48-p oqaluuserineqarnerani Inatsisartut akuersissutigaa Inatsisartut Suleriaasiannut Ilanggussamik 2-mik nutaamik ilanggussisoqassasoq. Ilanggussa 2-p nutaap qulequtaraa: ” Inatsisartunit sulinngiffeqarallartarnek najuutinnikkallartarnerlu kiisalu sinniisussamik aggersaasarneq pillugit Inatsisartut malittarisassaat”. Malittarisassani nutaani pisariaqarfiisigut malittarisassani allani aalajangersagaareersut, matumani minnerunngitsumik Inatsisartunut Naalakkersuisunullu il.il. ilaasortat aningaasarsiaqartitaanerat il. il. pillugit Inatsisartut inatsisaat (Aningaasarsiaqartitsineq pillugu inatsit), ilanngunneqartarput.

Aningaasarsiaqartitsineq pillugu inatsit taamatuttaaq 2015-imi upernaakkut ataatsimiinnermi allanngortinneqarpoq. Taamanikkut Inatsisartut Siulittaasoqarfiat inatsisip allanngortinneqarnissaanik siunnersuuteqarpoq (UPA2015/150).

Aningaasarsiaqartitsineq pillugu inatsisip allanngortinneqarnissaanik Siulittaasoqarfiup siunnersuutaata aappassaaneerineqarnissaannut allannguutissatut siunnersuut Inatsisiput Ataatsimiititaliamit saqqummiunneqartoq Inatsisartunit akuerineqarpoq, taamaalillunilu, massakkumut pissusiusimasut, Inatsisartunut ilaasortat sulinngiffeqassappata piunnaasaqatigineqarsinnaajunnaarluni Inatsisartunut ilaasortap pineqartup sinniisussap ataatsimiigiaqquneqarneranut aningaasartuutit akilissagai.

Allannguutissatut siunnersuutit taassuma akuerineqarnerata malitsigisaanik Inatsisartunit sulinngiffeqartarnek peqannikkallartarnerlu pillugit malittarisassani Inatsisartut Suleriaasianni Ilanggussatut 2-tut ilanngunneqarsimasuni § 4 iluarsineqartussaasimagaluarpoq, tassani § 4, imm. 2-mi suli allassimammat Inatsisartunit sulinngiffeqarnissamut piunnaasaqatigineqarsinnaaneq sinniisussaq ataatsimiigiaqquneqarneranut aningaasartuutit Inatsisartunut ilaasortap sulinngiffeqartup nammineq akilissagai. Taamaattumik § 4, imm. 2-p atorunnaarsinneqarnissaa pisariaqarpoq, tamannalu siunnersuutikkut matumuuna pivoq.

2.3 Inatsimmik sanilliussineq

Allannguutissatut siunnersuutitigineqartut tulliuuttumi takussutissiarineqarput, taamaattorli piffissani oqaaseqarfiusinnaasuni allannguutit (siunnersuummi § 1, nr. 1) ilanngunneqaratik:

Siunnersuut inatsisiput atuuttunut sanilliullugu	
Oqaasertai atuuttut	Siunnersuut
	<p style="text-align: center;">§ 1</p> <p>Inatsisartut Suleriasiani 12. november 2010-meersumi, 22. september 2011 aamma 29. maj 2012 aamma 28. maj 2015 allanngortinneqartumi, makku allanngortinneqassapput:</p>

<p>§ 4. Pisuni immikkorluinnaq ittuni §§ 2-mi 3-milu taaneqartut saniatigut pissuteqarluni Inat-sisartunut ilaasortaq sulinngiffeqarallarnissamut akuerineqarsinnaavoq, tamanna namminersorluni ingerlatamini suliassamik nukingernartumik suliassanilluunniit allanik nukingernartunik aallussinissaa pisariaqarluinnartutut isigineqarpat.</p> <p><i>Imm. 2.</i> Imm. 1, malillugu sulinngiffeqarallarnissamut akuersissuteqarnissamut sinniisussamik aggersaanermi aningaasartuutunik Inatsisartunut ilaasortap akiliuteqarnissaa piumasaaqaa-tigineqarsinnaavoq.</p> <p><i>Stk. 3.</i> Imm. 1 malillugu akuerineqartumik sulinngiffeqarallarnermi ilaasortaq aningaasarsiaqaranilu aningaasartuutitut tapisiaqassanngilaq, soorlu aamma piffissami sulinngiffeqarfiusumi soraarnerussutisiaqalernissamut ilaasortaajunnaarneersiuteqalernissamullu piffissamik katersisoqarsinnaanngitsoq.</p>	<p>2. <i>Inatsisartut Suleriaasiannut Ilanngussaq 2-mi § 4, imm. 2</i> atuukkunnaarpoq.</p> <p>§ 4, imm. 3, tamatuma kingorna § 4, imm. 2-ulissaaq.</p>
	<p style="text-align: center;">§ 2</p> <p>Allannguutit akuerineqarunik ingerlaannaq atuutilissapput.</p>

3. Pisortanut aningaasatigut allaffissornikkullu kingunerisassai

Siunnersuut pisortanut aningaasatigut allaffissornikkulluunniit kinguneqassanngilaq.

4. Inuussutissarsiornermut aningaasatigut allaffissornikkukullu kingunerisassai

Siunnersuut inuussutissarsiornermut aningaasatigut allaffissornikkulluunniit kinguneqassanngilaq.

5. Avatangiisinut, pinngortitamut peqqissutsimullu kingunerisassai

Siunnersuut avatangiisinut, pinngortitamut peqqissutsimulluunniit kinguneqassanngilaq.

6. Innuttaasunut kingunerisassai

Siunnersuut innuttaasunut kinguneqassanngilaq.

7. Kingunerisassat pingaarutillit allat

Siunnersuut taasariaqartunik allanik kinguneqassanngilaq.

8. Tusarniaaneq

Siunnersuut ammasumik tusarniaatigineqarsimannngilaq, innuttaasunut inuussutissariortunulluuniit kinguneqartussaannngimmat.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersakkakkut Nunatta Karsiata Naatsorsuutaasa oqaluserineqarnerani piffissat oqaaseqarfiusinnaasuni Inatsisartunit UPA2015-imi aalajangerneqartuni kukkuneq iluarsineqarpoq. Taamaalilluni Nunatta Karsiata Naatsorsuutaasa akuerineqarnissaannik siunnersuutip saqqummiunneqarnissaanut siullermeerinninnermi minuttit 20-it atorneqarsinnaassapput, Aningaasanut inatsisissatut siunnersuutip saqqummiunneqarneranut siullermeerinninnermi piffissaliunneqartoq assigalugu.

Siunnersuutip aappassaaneerineqarnerani, Kukkunersiuiinnermut Ataatsimiititaliap isumaliutissiissuteqarfisassaani, siunnersuutigineqarpoq akissuteqaatip saqqummiunneqarneranut minuttit 30-it atorneqarsinnaassasut. Partiit oqaaseqaatasa saqqummiunnissaannut taamatuttaaq minuttit 30-it atorneqarsinnaassasut siunnersuutigineqarpoq.

Tamatuma saniatigut Inatsisartut inatsisissaannut siunnersuutit, aningaasanulli inatsit pinnagu, eqqarsaatigalugit piffissat oqaaseqarfiusinnaasutut taaneqartut allannguuteqartinneqarput, tassami maanna ”Inatsisartut inatsisissaannut siunnersuutit, aningaasanut inatsit pinnagu” piffissami oqaaseqarfiusinnaatitaasutut taaneqartuni maanna oqaatigineqarmat Inatsisartut inatsisissaannut siunnersuut Naalakkersuisunit saqqummiunneqarsimannngippat, taava siunnersuuteqartoq naggataarutaasumik oqaaseqartassasoq Naalakkersuisut naggataarutaasumik oqaasernerisa *kingorna*. Tamanna suleriaatsimik Inatsisartut ataatsimiittarfianni atorneqareersumik ersersitsineruvoq.

Kiisalu aqqissuussaanikkut annikinnerusunik marlussunnik iluarsiiisoqarpoq, minnerunngitsumik aalajangiiffigisassatut siunnersuutinut, Nunatta Karsiata Naatsorsuutaasa akuerineqarnissaannik siunnersuut taamaattoq pinnagu, piffissat oqaaseqarfiusinnaasut eqqarsaatigalugit taakku tamakkiisumik maanna taaneqarmata inatsisissatut siunnersuutit pingajussaaneerineqarneranni piffissat oqaaseqarfiusinnaasut atuuttu innersuussutiginnarnagit. Piffissat oqaaseqarfiusinnaasut allannguuteqannngillat.

Nr. 2-mut

Aalajangersakkakut Inatsisartunut ilaasortap sulinngiffeqarnerani sinniisussamik ataatsimiigiaqqusinermut aningaasartuutit ilaasortamut namminermt akiligassanngortinneqarsinnaanerannik piunasaqaateqarsinnaaneq Inatsisartunut sulinngiffeqartarneq pillugu malittarisassaanni tunngavissaq atorunnaarsinneqarpoq.

Tamanna pissuteqarpoq UPA2015/150-ip aappassaaneerqarnerani Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata (Aningaasarsiaqartitsineq pillugu inatsit) allanngortinneqarneranik Inatsisartut inatsisissaannut siunnersuummut allannguutissatut siunnersuummik Inatsisartut akuersissuteqarnerannik. Allannguutissatut siunnersuutikkut Inatsisartunit akuerineqartukkut, aalajangersagaq (§ 2, imm. 2, oqaaseqatigiit pingajuat) pisuni immikkut ittuni Siulittaasoqarfimmik periarfissiisoq sulinngiffeqarnissamik qinnuteqarnermut atatillugu piunasaqaatigisinnaallugu sinniisussamik ataatsimiigiaqqusinermt atatillugu aningaasartuutinik ilaasortap nammineq akiliinissaanik, peerneqarpoq.

§ 2-mut

Aalajangersakkakut aalajangersarneqarpoq Inatsisartut suleriaasiata allannguutaa qaqugu atuutilissasutut siunnersuutigineqarnersoq.